

Кому Республикаса том войтырлөн газет



Мурнын заригён - сідзткё,
выльысь на волыны
10-11 л.д.

Тайо НОМЕРЫН

Март төлөсү 21-öd лунö Кörtкерöс районьсы Ыджыд-видзса школаьсы 9-10-öd клас-сьясын велöдчысьяслы уси Ыджыд шуд ветлыны Коми Республикаса вужвойтырлөн шылада-драмаа театро да видзöдны «Макар Васька - сиктса зон» кык юкöна теш.

6-7
л.б.

Коймöд во ме велöдча искусство гимназияын. Уна сикас конкурсö, уджтасö пырöдча, экспедициясö ветла. И ставыс тайö кольö менам олöмö ассъыс пас.

10-11
л.б.

Тувсовъя каникул дырйи Коми Республикаса С.Я.Маршак нима челядьлы национальной библиотеказын нуöдснны «Челядьдырся небöглөн öшкамöшка» вежон. Быд лун вöли аслыссикас рöма, и быд лун библиотекаса том лыддыссысьяс кытчöкö веськавлснны.

12
л.б.

Тулусыд тай ньöжйöникөн, но матыстчö жö. Он и тöддылымйыд сылас, воссяс туй. А прöст шондiа луннад мый медьёна окота? Дерг, петны пызъялыштны велосипедөн. На йылысь талун и гижыштам.

14-15
л.б.



Том йöз - дзоньвидзалун вöсна

Сыктив районса ныв-зон Визинын нуöдснны «Том йöз - дзоньвидзалун вöсна» акция. Нуöдны сийöс томуловлы отсалс и районса шöр бурдöдчанин. Медыджыд могыс налөн вöли гөгөрвоны, кызди олысьяс видзöны дзоньвидзалунсö да мый та могысь вöчöны.

Акция нуöдысьяс сувтöдалснны туй вывти мунысьясöс да сеталснны дзоньвидзалункöд йитчöм юалöмгъяс: 100 морт сайö сетснны налы вочакыв. Акция петкöдлс, мый Визин сиктын олысьяс пöвстысь унаөн оз тöдны, мый 2014 восö республиказын шуисны дзоньвидзалунлөн воон. Кор акция нуöдысьяс юасисны, а кутшöм ногөн эськö тi сийöс бурмöданныд, вочакыв сетысьяс öдйö и шулснны, мый котралöны лыжиён, тшöкыда бвласа уджъяс бергöдöны, колана ногөн сёйöны. Öткымынөн висьталснны, мый дзоньвидзалун йылысь гежöда казьтыштлöны. И сöмын сэк, кор висьöмыс вермас нин.

Акция котыртысьяс Визинса олысьяслы сеталснны буклетъяс, ас-корбиновöй кислота таблеткаяс да нöшта на öтчыд быдöнлы казьтыштгисны, мый дзоньвидзалунтö видзны вермö сöмын ачыс мортъяс. И та вылö оз ков уна вын пуктыны.

Миян корр.



Висян? Звöнит!

Ставмирса дзоньвидзалун лунö - апрель 7-öd лунö - «Дöверие телефон» республикаса служба нуöдас «Здоровье - актуально всегда!» пöсь линия. Звöнитны позяс 00.00 чассянь 24.00 часöдз.

Службаса психологыяс вочавидзасны дзоньвидзалункöд йитчöм юалöмгъяс вылö, сетасны сöвет водзö бурдöдчыны шыасьöм могысь да с.в.

«Дöверие телефон» республикаса службалөн номер: **8(212) 21-11-66** (стационарнöй телефонсянь - дон босьттöг). Челядьлөн «Дöверие телефон» номер: **8-800-2000-122** (дон босьттöг).

Сидзжö вöзиймгъяса отсöг позьö аддзыны www.komiforum.ru порталлөн «Приёмная виртуального психолога» юкöнысь.

Социальной технологияс сöвмöдан регонса шöринлөн юөр серти

**Босьт
ПРИМЕР**

Эжваса челядь творчестволөн шөринын öнiя тувсовъя каникул дырйи котыртчывліс быдсикас гажыс. Татчö волысьясöс быд лун виччысис кутшöмкö вильтор.

Шойччисны, сідзкö, дасьöсь бура велöдчыны

Каникуллөн медводдза лунö муніс быдвося «Минута славы» конкурс. Тані коліс петкöдлыны ассьыд кужöмлунтö. Конкурс кежлö дасьтысьöмыс заводитчывліс, гашкö, тöлысь сайын нин. И со быдса кык час чöж артистъяс ошйысисны видзöдысьяс водзын асланыс сямöн. Коді сьыліс, коді йöктіс, кодъяскöд лыддисны кывбуръяс, ворсісны петкöдчöмъясын, вöзйисны спортивной упражненииас. И öд ни öти öткодь номер эз паныдась!



Мöд лунас мунісны мастер-классъяс. Технической да декоративно-прикладной творчество юкөнъясын уджалысьяс вöзйисны томуловлы картонысь вöчны ракетопланъяс, планеръяс, тöдмöдісны электричестволөн аслыспöлöслунöн, вурисны аканьöс, серпасасисны губка отсöгөн, вöчасисны сола няньшомысь, көлуй кутöдъясысь да уна мукöдторйысь. Шöринлөн быд жырйын нывзонлы позис аддзыны сьölöм сертиыс удж.

Коймöд лунас челядьöс виччысис «Верёвочный курс», кодöс нуöдіс «Ребьячья республика» öтмунöм. Тайö курсы артмис ворсöм кодöн. Уджалісны



станцияс, быдын сулаліс инструктор да висьталіс, кутшöм задание ковмас вöчны тані. Челядь ворсісны командаясөн. И кодкö кө торксис - ставныслы ковмис бергöдчыны бөр да вильысь вöчны тшöктöмторсö.

Нельöд лунас шöринын став окотитысьыслы уджаліс «Природа и творчество» клуб. Тані нин ассьыныс кужöмлуннысö тырвийö бура вермисны петкöдлыны декоративно-прикладной творчество юкөнö ветлысьяс. Быд во мунö «Енбийд быдöнлөн эм» конкурс. Таво томуловлы тшöктісны вöчны вöлöс - 2014 вося символöс. Ныв-зонлы сетісны колана материал, и быдөн кутчысис уджö. Вермысьнас бөрйисны сöмын медбура да медэтша кадөн корöмтор вöчысьöс. Таво вермысьөн лои квайтöд классö ветлысь Полина Постникова. 50 минутөн сійö удитіс вурны да мичмöдны сійöс. Нывка ветлö «Небыд чача» творческой котырö.

Тайö жö лунö «Природа и творчество» клубын вöлі восьса став öдзöсыс. Быд окотитысьы велöдысьяс нуöдісны экскурсияс да викторинаяс, вочавидзисны юалöмъяс вёлö.



Витöд лунсö шöринын уджалысьяс вöлі сіймаöсь Олимпиадалы. «Королева риска» спортивной акробатикалөн клубын чукöртчисны шöринö ветлысьяс, медым ордйысьны «Весёлые старты» ворсöмын. Быд командалы ковмис венны 11 юкөн. Видзöдысьяс горш доймытöдзныс висисны ас йöз вöсна. Ордйысьöмлөн вермысьөн лоис «Олимпийцы» котыр. Чолöмалам найöс!

Каникулыд лэбыштіс, эгö и тöдлöй. И окота эскыны, мый челядь бура шойччисны да лоины дасьöсь колана ногөн помавны велöдчан во.

О.Б.НИЗАЛОВА,
челядь творчестволөн шöринысь педагог-организатор.



ГАЖ

Март 30 лунö И.А.Куратов нима Сыктывкарса гуманитарно-педагогической колледжын котыртчывліс Кулöмдінса землячестволөн быд-вося гаж - «Коми сиктлөн лун». Колö шуны, мый коми сиктлысь лун пасйисны нин Керчомъя, Помöсдін, Пожög, Дереванной сиктъяс, Зимстан да Югыдъяг посёлкьяс, а тшöтш и Скөрöдум грезд. Тавося гажсö сиисны Аныб сиктлы.

Нимкодясис Аныб сикт

Кыдзи и пыр, колледжса актöвöй залыс вöлі дзик тыр. Татчö воисны Кулöмдін районуысь петöм войтыр да окотапырысь виччысисны ас йöзлысь сцена вывсаянь петкöдчöмсö. Гажсö восьтіс Сыктывкарын Кулöмдінса землячествоөн веськöдлысь Наталья Шахова. Сьöлөмсяньыс сійö чолöмаліс кулөм-



дінсаöс тайö ыджыд лоөмторнас да корис и водзö вылö волевлыны пасйыны коми сиктлысь лун. Сы бöрын Аныб сикт йылысь висьталыштис овмöдчанінөн юралысь Галина Нестерова. Аньлөн кывъяс серти, Эжва ю бокö меститчöм сикт пасйöма нин артмöмяньыс 350 во. Öні тані олö 170 морт, и сöмын öти семья лыддысьсö томөн.

Но та вылö видзöдтöг пö сиктыс олö, пыдисянь лолалö. А сэтчöс олысьяс пыр мыйынкö водзмöстчöны - бурмöдöны сиктсалысь олөм-вылөмсö. Юралысьлы ёна отсасьöны депутатъяслөн, ветеранъяслөн да том йöзлөн сөветъяс. Öтувнад найö тшöкыдакодъ петавлöны весавны лөп-ёгысь сиктса уличаяс, вöчöмаöсь нин спортплощадка.



Галина Нестерова тöдмöдис воысьясöс и Аныбысь петöм республикаын тöдчана йöзкöд, тайö: история наукаса кандидат да Сыктывкарса канму университетын зылысь Светлана Яковлева, Санкт-Петербургың Михайловскса военной артиллерийской академияын велöдысь полковник Игорь Моторин да Коми Республикалөн культура юкөнн заслуженной уджалысь да вöвлөм военной дирижёр Иван Нестеров.

Творческой юкөнсö восьтіс Кулöмдінса землячестволөн «Эжва катыд» хор. Хоркöд вежласьöмөн сьылісны-ворсісны и Аныбса «Пöлöзничка» ансамбль да «Васильки» квартет. Видзöдысьяс водзын найö петкöдчисны Виктор Савинөн, Александр Некрасовөн, Вячеслав Бабинөн, Александр Шебыревөн да Кулöмдінса мукöд авторөн гижöм сьыланкывъясөн. Коми зонлөн радейтчöм да удаллун йылысь сьыліс Дмитрий Кирушев. Сылы аккомпанируйтис композитор Иван Нестеров. Серамбана



йöктан номеръяс аныбса артистъяслы пуктöма сиктса культура керкаөн веськöдлысь Альбина Панюкова.

Сценаывса гаж кындзи аныбса войтыр вöлі вайöмаöсь и ас киён вöчөмторъяс. Уджыасысь вöчөм выставка вылысь быд окотитысьлы позис ньöбны вышивайтöм серпасъяс, коми йöзкоста орнаментөн серöдöм кепшысьяс, кабалаысь вöчөм оригами да уна мукöдтор.

Тавося гажыс муртса на эштис, а окота нин нимöдны выль коми сикт. Öд быд сикт-грездысь эм мый петкöдлыны, эм мыйён ошысьыны мукöд водзас, тöдчöдны ассьыс торъялöмсö. Мед эськö унджык сикт волас юркарö да гораа висьталас ас йывсьыс.

Кулöмдінса землячестволөн юөр серти. Снимокъясыс Евгения ЛОБАНОВАЛÖН.



Гаж бөрся ГАЖ



Ыджыдаліс гын сапөг

А шойччан лунө висерса кольдөдісны төв. Гажсө сиисны гын сапөглы. Даша да Алёша нуодысьяс ворсөдісны чукөртчөмаөс. Ставөн ордыисны даддён да лямпаён, лыйсисны гын сапөгөн, чукөртисны палич, а тшөтш и гын сапөг йылысь частушкаяс ливкйөддісны.

Надюша да Любаша нывкаяс нуөдісны йөктөмгяс. Воліс и суйорсайса гөсьт, коді медводзаысь на адзис гын сапөг. А гаж водзын водзвыв вөлі юөртөма медмичаа гын сапөг конкурс йылысь. Висерсаясид, буракө, шоңдөддөм бөрад меститөмаөсь-дзөбөмаөсь нин тайө көмсө. Сөмын кык нывка и дасьтысьөмаөсь тайө конкурс кежлас.

Медбөрын кольдөдісны полөкалө. А ветерангяслөн котыр чөсмөддіс гөсьтгясөс пөжасөн да пөсьтшайөн.



Тупкисны төвсья спартакиада

Көрткерөс районысь Висерса том войтыр тупкисны төвсья спартакиада.

Спорт ордыисьөм нуөдісны Ростик Габов да Иван Канев. Медводз челядь котралісны лыжиён кад вылө. Сэсья вөлі командаа спринт. Медводдза места тані шедөдісны Павел Габов да Кирилл Михайлов, мөд - Рома Габов да Игнат Пинягин, коймөд - Саша Мишарин да Артём Михайлов. Медічөт котралысьяс пөвстын вөліны первой классысь нывкаяс - Вика Макарова да Маша Габова. Ордыисысьяслы вичмисны грамотаяс, медальяс да кубокгяс.




Ворсісны да шмонитісны

Апрель медводдза лунө Висерса клубын челядьлы вөлі «Шарики-Барбарыки» петкөдчөм. Кругляша да Воздуша, кодгясөс ворсісны 4-өд классысь Ида Игушева да Лиза Мишарина, нуөдісны быдсикас ворсөмгяс. Челядь окотапырысь ордыисны-ворсісны. «Шондібан» фольклор котыр петкөдчис кывпесангясөн, а Архип Яковлев да Павел Габов - серамбана сценкаён.

Та бөрын сиктса нывбабаяслөн совет школакөд өттшөтш котыртісны комикс-футбол. Ворсіс квайт команда. Ворсысьяс ставөн вөліны ярьюгыд парикаөсь, серамбана шапкааөсь да юбка-сарапанаөсь.

Оксана ПИНЯГИНА





Март төлысь 21- öд лунö Корткерöс районуьсь Ыджыд-видза школарысь 9-10-öd классьясын велöдчысьяслы уси ыджыд шуд ветлыны Коми Республикаса вужвойтырлөн шылада-драмаа театрö да видзöдны «Макар Васька - сиктса зон» кык юкöна теш.

Öтув шензим, шмонитим да мөвпалим

Геннадий Анатольевич Юшковон гижом да нималана артистясон петкөдчөмон, кыз шуласны, сьолөмным бурмис дыр кезлө. Сэтшөм жö нин бура ворсисны артистяс! Теш заводитчөмсяныс, кор Васька да Ольоксан мыччисисны сцена вылө, ныр вылас бедь мачалөмсяныс да шмонитана кывьясяныс лои гөгөрвоана нин, мый водзö лоö нöшта на интереснөй-джык. Сидз и лои! Кык часыс быттьö лэбыштис öти здукон. Весиг вунли, мый ставыс тайö ворсөм, мый ми карса залынöсь пукалам, а асьным сьолөмсянь видзöдам да ваксям-сералам либö жö лöня кывзам: Макар Васька да Галя бөрся кыйкнитлам, том йозкөд

тышга, мый йылысь сийö. Менам чайтөм серти, тешыс сийма сиктса олөмлы, сэтчөс уджач да сьолөма йозлы. А медым гижöдыс тешөн лоис, ставсö шымыртөма-петкөдлөма Макар Васька-калөн олөм пыр. Макар Васька - тайö сиктса том зон, кодi радейтö шмонитны-сералыштны йоз вылын. Чайта да, ёнджыкасö сы вöсна, мый сийöс унаөн оз гөгөрвоны, öд ачыс Васькаыс абу лөк



тшöтш öтув ссылам да йоктам, Дарья да Варук вылö шензим, Семёнс да Педөрöс такöдам. И ставыс быттьö збыль, öнiя олөмлы лöсялана, кöть эськö тайö куим торья тешсö Г.А. Юшков гижлис ветымын во сайын (1963 воын).

А кодкö кö газет лыддысьысь пиысь абу тöдса тайö гижöднас - вись-

морт - зильö вöчны буртор, а лоö дур. Да и Галя первойсö оз жö гөгөрво сийöс, кöть Васька и став сьолөмсяныс радейтö том нылöс. Чайта да, ставыс на тайö Галя вöсна вöчсьö, медым сийöс шензöдны, медым муса нылыс казяс Васькаос, мый сийö абу лөк-джык Ольоксанысь либö Мишкаысь, а төлкаджык

на мукöд том зонмысь. Сидзи и эм! Оз öд прöста пьеса помын Васька Ольоксан ёртыскöд дорйы став колхозсö да помав бурөвöйщикьяслысь эновтöм удж: некод тöдлытöг скважинасö помöдз буритöны, медым колхозса скöтлы кутас локны ва. А мый костас сийö öта-мöд вылас усьö-

дö Семёнс да Педөрöс, Дарьяос да Варукос, сямыс нин сьлөн сэтшөм! Оз вермы шмоньтöг овны, ас вылас йоз дорсыс на ёнджыка тешитчö. А вот пьеса помын ставөн гөгөрвоöны, мый Макар Васька абу кулитана зон, мый сы вылө да сьлөн тшöтшгьяс вылө позьö на наде-



яөн овны, колхоз удж водзё кыпöдны. Тайöс гөгөрвоо и колхозса председатель Иван Андреевич да мөдөдө велөдчыны Макар Васькаос институтö, колхоз тшöт весьтö, медым во мөд мысти колхозö воас ас велөдчөм морт. А Галя, юаланнды ті? А Галя, шань да уджач мича ныв, көть и кажитчö уна зонлы, тшöтш жö радейтö Васькаос да, дерт, бытён виччысыс сійöс карысь. Оз öд прöста теш помын Дарья да Варрук, Васькалөн да Галлялөн мамтъяс, нимтыны асьнысö сваттъясөн!

Зэв жаль, мый видзөдөм водзвылын залын зэв стрөг гөлөс юөртис, мый теш петкөддигөн фотографируйтны артистъясöс оз позь, и көть ми бура унаөн сьöрсьыным вайим фотоаппарат, лэптыны да снимайтны эг лысьтöй: а друг вөтгласны либö штрапуйтасны? Бөрыннас нин миян сиктысь петөм артисткакөд, Зоя Осиповакөд, снимайтчим, кыз шуласны, казгылом вылө.

Школаса автобусөн кайичөж (а ми волім автобус тырөн да нөшта на торъя машинаөн, ставным эгö төрöй да) сөмын сёрнитим-ваксим спектакль йылысь, ворсысьяс йылысь да гусьöникөн мөвпалім радейтчөм йылысь! И ставсыс таысь көсья ыджыд аттё висьтавны Ыджыдвидзса коми велөдысьяслы, Ольга Ивановна Мишариналы да Эльвира Александровна Старцевалы, карö нулөмысь. А тшöтш и муөдз копыр шылада-драмаа театрса артистъясы бура ворсөмысь.

Полина СТАРЦЕВА,
Көрткерöс районысь
Ыджыдвидзса
школаын

9-өг класса велөдчысь,
«Шондібан»
этноклубö ветлысь.

ВЫЛЬ КЫВБУРЪЯС

Лидия ЛОГИНОВА

Асья вöйтванас чужөмөс мыська,
Сыысь небыдыс мыйкө нө эм?
Шондi югөрнас мыгөрöс косьта,
Медым шонавлас вир-сөн да вем.

Вильыш төврукөд сыланкыв босьта,
Садьмөм вөр-вакөд ливкйөддла тшöтш,
Тайö сыланас визула косьтöй,
Сотчөм нюрöй да Дөрөма көдж*.

Лэбач чукөр мед долыда дзользё,
И мед чепөсийö медводдза кор,
Да бур йөзыслөн сьөлөмыс ловзё,
Локтысь тулысыс нюмъялө кор.

*Сотчөм нюр, Дөрөма көдж - места нимъяс

Лия МАРТЮШЕВА

Воö тулыс, сылө лымйыс,
Но ыджыдалö Бушков Морт.
Ворсö шондi, небыд кыис,
Көдзыд öнi оз нин варт.

Кузь жö төлыс Коми муын,
Октябрь төлыссянь со - төв.
Көнi помыс көдзыд мулөн?
Нюжалөма, быттьö көв.

Лым толаыс потшöс весьтөдз,
Коркө лоас бузгысь шор.
Йинёньясыс жытник весьтөдз.
Кор сывласны найö, кор?

Нюжалөма көдзыд төлыс...
Вөръяс сайысь воис Морт.
Бушков даддьö öдийö сөліс -
Оз нин сэсся лымсö гарт.





ВОДЗМӨСТЧӨМ

Коми Республикаса В.Т.Чисталёв нима культура колледжын кыпыда пасйисны культураын уджалысьлысь лун. Тайö лунö студентъяс видлісны лоны велöдысьясön да колледжса олөмөн веськөдлысьясön.

Культура лун пасйигежлö дасьтысьны заводітисны некымын вежон сайын нин. А март 25-öd лунö асывсяньыс нин колледжын кывкутөмö босьтчисны директор Наталья Зубова, завуч Степан Вавилов, воспитайтан уджын директорöс вежысь Оксана Денисова, научно-методическөй уджын веськөдлысьöс вежысь Мария Остапенко да АХЧ кузя директорöс вежысь Олег Исаков. Администрация юкөнын зільны босьтчисны педагог-организаторён да журналистён - Юлия Мурашкина, фотокорреспондентён - Райда Просужих, пресс-шöриньны - Юлия да Мария Терентьеваяс. Быд студентлөн вöлі асла удж, мый вöсна сійö кывкугис, а лун помын сылы ковмис юксыны видзöдласнас, мый артмис, а мый эзджык ло сідзи.

Асвеськөдлан лунö колледж вежсис. Холын уджаліс «стол музыкаль-

Студент - велöдысь, велöдысь - студент

ных заказов», а завуч Степан Анатольевич быд окотитысьöс гөститөдіс юмов ватаён. Пресс-шöриньны зільысьяс разöдісны вильторъяс. 1 курсын велöдчысьяс нуөдісны йөктана танц-моб, кытчö пырöдчыны ковмис ставлы, коді ветлөдіс тайö здукö холліт.

Директор жырйын кытыртчывліс планёрка, көні веськөдлысьяс мөвпалісны, кызди поэзя вильмөдны колледж пытшкөс, а сідзжө лөсьөдчисны Асвеськөдлан лун тупкөм кежлө.

Некымын студент видлісны лоны и велöдысьён. Анастасия Мосина медводдзаысь на нуөдіс обществознание

урок, Вячеслав Лаптев - ПОПД, а Антонина Самойлова - анлия кыв. Тайö жö лун кежлө культура колледжын воссьывліс нöшта öти витөд курс, коді сідзи и шусис - «медся класснөй курс». Татчö веськалісны збыльывса велöдысьяс, кодъяс öти лун кежлө лоисны студентъясön да казътыштисны ассьыныс велөдчан кадсö. Курсөн веськөдлысьнас вöлі Василий Ларуков. Тайö студентъясыслы дасьтылісны урокъяслы торъя расписание, и велөдісны найöс студентъяс. Лунтырнад тыдовтчис, мый курс вылө веськалөм «велöдчысьяс» пөвстысь öткымынөн

дзик төлктөмөсь: сөрмөнны урок вылө, унатор вöчöны оз сідзи, кызди колө. Та вылө лун помас и эляисны «велöдысьяс».

«Медся класснөй курс» группалөн медводдза параыс вöлі «Танец». Быдөнлы коліс локны спортивнөй паськөмөн. Коді локтіс - зэв гажаа колляліс кадсö. Став корөмыс артмис, да и «студентъяс» кывкутөмөн вöчисны быд упражнение.

«Исполнительское мастерство» дисциплинаын «велöдчысьяс» видлісны сывны «Ой, калина, ой, малина». Кыдзи и збыльывса студентъяслы, налы ковмис





заводитны сідз шусяна распеваксянь, велодны кывъяс да колана ногон сывны. Дерт, пырысь-тём-пыр ставис эз артмы. Вөлі и сералом, и шог. А «велодысьяс» окотапырысь отсасисны быд ногыс. Кывкортодыс ставлөн лои өти - «Йёз-

Сійö тöдмөдіс музейса жыръясөн, висьталіс, кыдзи вежсьöма литература оломыс Коми муын.

Велодчан лунлы кывкортөдсö вöчис Василий Ларуков, коді нуөдіс классной час. «Студентъясöс» ворсöдыштöм бöрын лэдзис найöс ли-



костса хорөвöй творчество» специализация вылын 4 курса велодчысьяслөн урокыс кажитчис, весиг чужис мөвп и мөдысь на нуөдны татшöм занятияесö.

«Актёрскöй мастерство» нуөдысь Дарья Игушева урок водзас ёна поліс, пыр чайтіс, мый көнкö крукаяс. Но некымын этюд нуөдöм бöрын сылөн ставыс артмис. Урок помын весиг Лена Пинаевскаялы, Лёша Тороповлы, Ира Ждановичлы сійö бур уджысь пуктöма «5» оцєнка.

Коми кыв да литература велодысь Елена Чугаева бура дасьтысьöма. Öти войөн сійö лöсьöдöма И.Куратов нима литература музейті виртуальной экскурсия.

нейка вылö. Асвеськөдлан лун нуөдысьяс тыр-бура висьталісны асланыс удж йылысь снимокъяс отсöгөн, а сёсся веськөдöмнысö бөр сетісны збыльвывса уджалысьяслы.

Гажаа тані коліс и республикаса «Формула успеха» конкурс, көні бөрийисны том да култураын медбур уджалысьöс.

Асвеськөдлан лун эз коль весьшөрö. Студентъяслы да велодысьяслы лоас мый йылысь казтыштны. Öд найö гөгөрвоисны, кутшöм ногон колö пуктыны удж, медым колледж пыр бурмис да сөвмис.

**Юöрсö дасьтöма
В.Т.Чисталёв нима
культура колледжлөн
сайт серти.**

Сиктысь – карö ЮОР ВАЯМ

Миянлы, Көрткерöс районьсы Керöсса ныв-зонлы, майбыр, эм көні прöст кадтö колляены. Каникул чöж ни öти лун гажтöмөн эз коль.

Лун эз коль гажөдчытöг

Март 22-öd лун. Ывлаыс шоныд, небыдик лым усис. А со култура керкаөн веськөддысь Наталья Семёновна Ветошкинакөд клуб стенас уль лымсыс лепитім-тэчим серпаскодöс. Артмис тайö мичлуныс лым мач быгльöдлөмысь.

Март 23-öd лун. Асывсянь тюрим-мунім Геннадий Петрович Ветошкинлөн машинаөн Вомынö челядлөн «Öшкамөшка» быдвося фестиваль вылö. Геннадий Петровичлы ыджыд аттё миянөс нулөмысь, коть и шойччан лун вөлі - эз пыксы. А вомынадалы зэв на и кажитчöма Керöсса «джыджъясыд», видзөдысьяс тай сетöмаось медыджыд балсö-а.

Март 24-öd лун. Зонкаяс виччысисны «Знамя Победы» вайöм, сы вöсна мый миян районын муно «Знамя Победы» акция. Бöрынджык öтув ставөн видзөдім «Никто не забыт» презентация да видео, тшöтш и викторинаö пырөдчылім.

Март 25-öd лун. Талун култураын уджалысьялөн гаж. Миянөс бара гажөдіс Наталья Семёновна ворсөмгыасөн. А ми козыналім сылы мича откытка да ас вöчөм дзоридзясь.

Март 26-öd лун. Тайö луно шуим ставөн Лабором грездö ветлыны походö, но сөмын нель морт «ас кыв вылас сулалöны» вöлөм. Этшаөн и ветлім.

Март 27 -öd лун. Мудзöмаось, тыдалö, быд лун ворсөмсыд, да талун этшаөн нин чукөрмылім «Лым мача гаж» вылö. Ывлаыс кодзыдджык вөлі да ворсны эг петöй - кольччим клубас. Медводз бурпöт бильярдөн ворсім, сёсся дзебсысьöмысь да уна мукөдторйысь. Со кыдзи коли миян каникул. А тиян кыдзи?

*Көрткерöс районса
Керöс сиктысь том войтыр.*



Туйвывса БЛОКНОТЫСЬ

Коймод во ме велодча искусствояс гимназияын.
Уна сикас конкурсо, уджтасо пыродча, экспедициясо
ветла. И ставыс тайо кольо менам олөмө ассьыс пас.

Мунны зэригөн - сідзкө, выльысь на волыны

Збыльмис көсийөмөй

Ичотсянь на ме зэв ёна көсийи
веськавны «Орлёнок» шөринө.
Сэтчө ветлісны менам ёртъяс,
телевизор пыр унаысь аддзылі.


Кутшөма ме радлі, кор «Свой
голос в СМИ-2013» конкурсын
вермысьяс лыдын тшөтш и менө
шуйсны мөдөдлыны лагерас.
Аттьо том журналистъяслөн кон-
курслы, сытөг менам көсийөмөй

эськө эз збыльмы, өд «Орлёнок»
позьо веськавны сөмын 16
арөсөдз, а ме матыстчи нин тайо
арлыдас. Миян смена - дас кыкөд
- лоас медся кузьон, быдса
төлысь! И ме кута уджавны
пресс-отрядын!

Кузь туйын лоим ёртъясөн

Сыктывкарсянь поездыс
мөдөдчө асывнас. Көрт туй

вокзалын аддзысим ёртъяскөд.
Комиысь мунам дас витөн: Ми-
куньысь, Айкатылаысь, Воркута-
ысь, Мылдінысь, Эжваысь да
Сыктывкарысь ныв-зон.
Миянкөд муно



«Радуга» газе-
тысь журналист Дмитрий
Коюшев. Сыкөд унатор йылысь
сёрнитім: кино, литература, өнія
журналистика. Дерт, пөттөдз
ворсім и сералім тшөтш. Кузь
туйын куим луннас удитім бура
төдмасьны өта-мөдкөд да лоны
ёртъясөн.

Туапсеө воим дас кык час вой-
ын. «Орлёнокыс» карсянь бокын-
джык меститчө, 40 минут на пө
колө мунны. И миянөс кольөдіс-
ны Туапсеас войколавны. Асыв-
нас, сизим час гөгөрын, пуксим
автобусө. Куим час и сюрис узы-
ыштны, но көдзыд төвруыс да
буситысь зэрыс өдйө пальөдісны
унзілысь. Автобус муніс гөраяс
дорті, ми любуйтчим наөн, гөра
йывъясті мыччысьысь шондінас.
Сьөлөмным өтпырйө радліс и
родыштіс - кыдзи бара «Орлёно-
кыс» миянөс вочаалас.

«Катранъяс»

Комиысь ставным веськалім
«Звёздной» лагерса 4-öd коман-
даө. Миянкөд тшөтш вөліны
Вөлөгдаысь, Ростовысь, Тулаысь
да Орёлысь ныв-зон. Быдса
төлысь ми гораа шусим «Катран»



отрядон. Катраныс - нейджды акула, и миян девизон лоисны «До акул пера нам ещё далеко, а катран - самое то!» кывъяс. Өд журналистикао туйным сөмын на заводитчө...

Быд вежон (векджык четвергө) ми лэдзим лагерлысь стенгазет, көнi гижим сы йылысь, мый вөчсьö «Орлёнокса» шөринын, лагеръясын, командаясын. Юөртiм медся тöдчана да интереснöйтор лоөмторъяс йывсьыс. Сiдз, ме босьтi интервью Краснодарса зонлысь - сийö парикмахер, да Туласа нывлысь - сийö художник. Кураторөн вöли Иркутскысь Наташа Ракевич. Сийö гожöмянысь нин уджалö «Орлёнокын», медводз вожатöялöма, а сэсся босьтчöма ноксыны том журналистъяскöд пресс-отрядын. Сийö осьса, енбиа да серамбана ныв. Зэв лöсьыд ськöд вöли öтлаын уджавнысьö.

Сiдзжö ми дасьтiм «Салют, Орлёнок!» газетлысь 12-өд номер. Томуловлы тайö газетыс став Россия пасьта разалö. Главнöй редакторыс - Руслан Марьин. Ачыс сийö миян моз жö неуна кагакодъ на. Быдтор йылысь ми ськöд вермим сёрнитны. Сийö осьтiс миянлы журналистика вылö выль видзöдлас, висьталiс, кыдзи колö гижны челядылы.

Мыш саяд саридз шыалö...

Куйм вежон ми велöдчим «Орлёнокса» школаын. Вежоннас вит лун 40 минута вит урок вöли. Классö веськалоны разнöй лагерысь да командаысь ныв-зон. Миян классын вöлины «Звезднöй»



да «Штормöвöй» лагеръясысь челядь. Удитiм дружнöй классон лоны. Орлятскöй школаын öти «фишка» вöли - выльлунö да четвергö котыртлывлiсны «пирожок» перемена. Став школаыс сэки сулалiс кузь öчередын.

Быд лун ми ветлiм саридз дорö, нимкодьясим пуксьысь шондiөн. Кывйыс оз сюр висьтавыны, мый керсьö тэ пытшкын, кор эшкынö гартчöмөн пукалан бипур дорын. А мыш саяд саридз шыалö...

Сьылiм и бөрди́м

Бөръя лунас ми ставон ырзöмөн бөрди́м. Сулалiм «Звезднöй» лагер водзын орлятскöй кытшын, сьылiм. И бөрди́м... Да көсьысим ёрта-ёртлы унаысь-

унаысь на аддзысьыны.

Медводз мунiсны Тулаысь челядь. Ми, Комиысь орлятаяс, туйö петiм медся бөръяясон. Саридзыс и енэжыс миянкöд тшöтш бөрди́сны. Зэрис. Но тайö öд абу лёк. Мунны зэритöн, сiдзкö, бара на коркö выльысь волыны. И ме вола...

«Орлёнок» вежис менö

«Орлёнок» вежис менö. Ме тöдмасы выль йöзкöд, выль позянлун ассьым казялi. Ми велöдчим быдторiö, медводз, дерт, журналистикао. Миян отрядын вöлины ныв-зон, кодьяс «Орлёнокöдз» журналистикаас эз пырöдчывыны, но смена помасигкежлö быдөн нин йöзöдчис газетын. Нель вежоннас ми лоим вына командаон, кодi вермис уна вермөн шедöдны: öти рыгөн дасьтыны йöктöм да ордыны ставсö йöктан конкурсын; öти войон газет вöчны, 1 нетбукон 28 мортлы удитны гижöдтö наберитны; гижны урок вылын контрольнöй, көть эськö таодз лунтыр гелевöй ручкаон серпасалiн ки вылад тату. Тайö вермөмъясыс некытчö тэнад олöмысь оз вошны. И быдөн, кодi вöли «Орлёнокын», тöдö, мый сийö сэтшöмыс - творчестволөн руыс, ёрта-ёрт дорö осьса да шань сьöлөмөн матыстчöмыс. Тадзи жö вöли и миян отрядын.

Анастасия ЗИНОВЬЕВА



КОМИ КЫВ МЕН ДОНА

Тувсовъя каникул дырйи Коми Республикаса С.Я.Маршак нима челядьлы национальной библиотекаын нуөдिसны «Челядьдырся небөглон өшкамөшка» вежон. Быд лун вөлі аслыссикас рөма, и быд лун библиотекаса том лыддысысьяс кытчөкө веськавлісны.

И быдсикас выставка вылас веськавлісны, адзысьлісны гижысьяскөд, гораа лыддысисны, ворсісны, «ветлөдісны» радейтана небөгяслөн лист бокъясті, видзөдісны мультфильмъяс, гажөдчисны, веськавлісны мастерклассъяс вылө, вөчисны ичөтик небөггяс, закладкаяс, акань-видзөггяс да уна мукөдтор.



Медгёна том лыддысысьяслы сёлөм вылас воис өшкамөшкәлөн кельддөз луныс. Өд сәки коми небөг лунөн чолөмавны библиотекаө волісны Коми национальной гимназиярь «Семицветик» театрө ветлысь томулов да налөн велөдысь Эмма Попова. Ныв-зон комиөн петкөдісны Василий Лыткинлысь «Дзизгысь-дзизгысь гут» сценка.



Коми небөг лун

Тайө жө лунө библиотекаын воссис «Арт» журнал - челядьлы выставка. Кыдзи төдса, республикаса журналкөд петө и ичөггяслы содтөд: нималана коми гижысьяслөн выльысь лэдзөм небөггяс, коми

йыны вотөс, кытчө пасйөма кутшөмкө небөглысь ним, сәсся корсь

«Коми гижысьяс - челядьлы» игротекаын. Ворсана кубикъяс отсалісны төдмасьны коми гижысьяслөн творчествоөн.

Коми небөг лун коліс зэв гажаа, өд ныв-зон



ны сійөс джаджгяс выльысь да вөчны небөглывреклама. Но сөмын сәтшөмкө, медым томуловы дзик пыр окота лои босытны тайө небөгсөкиас да лыддыны.

Сәсся Мария Кузнецова нуөдіс мастеркласс, көні велөдіс том лыддысысьяссөс вөчны акань-видзөг. А такөд тшөтш висьталіс, мыйла вөлөм вөчөны татшөмаканьсө да мыйысь сійөвидзис.

Та бөрын ныв-зонлы вөзйісны ворсыштны

төдмасисны Коми мулөн культураөн да коми йөзлөн творчествоөн.

Адзысьлытөдз!

Алёна НЕСТЕРОВА,
С.Я.Маршак нима
библиотекаысь
методист.



ЕНБИ

Ёна нимкодъ, кор чужан кывйыд олө оз сөмын гортад, либө сиктса школаын, а кор сійө юргө быдлаын: ывлаын, өтувезйын, сцена ылын... Ёна лөсьыд, кор чужан кыв ылын позьö кывезыны радейтана жанра шылад. Ті, дерт, унаон нин кывлінныд коми реп, и рок. Том ныв-зон нимөдöны чужан кывсö ыль нога, сідзи, кыдзи корö налөн сьөлöмыс.

Мед бордьяссяс «Борд»!

Кулөмдін районуын 2008 восянь нималö да водзмöстчö «Борд» рок-котыр. Неважөн мойвиис адзысьлыны котырөн веськөдлысь Владимир Козловецкөд.

- Владимир, коді вöлі котыр подув пуктысьнас?

- Вöлі ме да Евгений Пономаренко. Ми кык ёрт мөвпыштим өтув ворсны. Мыйкө артмис, мыйкө эз. Воліс миян котырö и Андрей Глуханич ворсны, но сіз артмис, мый ковмис мунны. Öні миянкөд ворсö Алексей Карманов да менам гөтыр. Ворсам ми бас-гитараон да барабан ылын.

- А коді ворснытö велөдіс?

- Асьным тай пыр велөдчам. Подувсö, дерт, коркө школаын велөдчигөн на Сыктывкарын олысь дядь сепліс. Сэсся армияö ветлі, сэні тшöтши велөдчи. Мыйкө өтувезйысь босьта, мыйкө йöзлысь юасы.

- Кыдз чайтан, коді тиянөс ёнджыкасö кывзö?

- Стöча шуны ог вермы на-вернö, том йöз. Ми öд ёна некөн

на эг петкөдчылöй - ог куж висьтавны, кодлы стöча кажитчö миян сьылöм-ворсöмным.

- Көнкө, окота öд унджыклагын петкөдчывны?

- Да, окота кытчöкө петавлыны. Дерт, та ыльö кагыс оз вичмыв, мед сöмын музыкаон овны. Ставным ми уджалам: Женя - геолог, ме - электрик, Алексей страхöвöй компанияын зильö, а гөтырöй школаын уджалö.

- Ёна репетируйтанныд?

- Унаысьсö оз и артмыв, ставным гортаным ворсам, но öтчыг тöлысьнас быть ставөн чукортчылаам ворсны.

- А көні ті сьыланкывъясö гижанныд, кутшöмкө студияын, гашкө?

- Ме гортын таон ёнджыкасö и нося компьютер отсöгөн. Сігз шусяна демо-версияс гижала. Окота, мед профессиональнöй студияын уджыс муніс. Амтьö «Коми йöзкостса радиолы» - мойвиис сэтчöс студияын кум сьыланкыв гижны.

- А коді гижö сьыланкывъяс дорас кывъяссö да шыладсö?

- Кывъяссö миян гижöны Александр Васильевич Шебырев да Ксения Карманова. Тшöтши и Евгений Пономаренко öткымын сьыланкыв дорö гижис кывъяс да шылад. Ачым ме гижны ог куж, ме бурджык музыкасö гижа - сійö меным конкныдджыка сетчö.

- Тöдса, мый ті ёртасынныд «Ваберад» котыркөд.

- Да, водзын ёна ёртасылим. Весиг өтув концертон петкөдчим Зимстанса челядь керкаын. Öні ёнасö оз и артмыв өтув петкөдчöмыс.

- А кутшöмөсь водзö ыльö мөвпгысныд?

- Кутам водзö уджавны, ыль сьыланкывъяс гижны. Александр Васильевич Шебырев миянлы таын ёна отсасыö. Ыджыд көсйöм - петкөдчыны концертон мукөд котыркөд өтув.

- Кутшöмджык нö котыръяскөд?

- Унакөд! Шуам, «Севериадакөд» - накөд ёна ёртасыам өтувез пыр, öта-мөдлы сьыланкывъяс ысталам да кывзам. Нöшта эмöсь «Декстер» группаысь тöдсаяс, юркарас «Школа рока» котырысь тшöтши. Сэні ставныс том йöз уджалöны, бура сьылöны.

- Аттьö сёрниысь. Сиам пыр водзмöстчыны да гижны уна на сьыланкыв.

Том йöзыд пö максималистъяс, водзмöстчысь да енбия том-улов пырджык пуктöны ас водзаныс ыджыд мог. И сійö бур, мортыс кө мыйкө ёна көсйö! Владимир Козловецкөн эм мөвп котыртны-дасытны коми кывъя рок-фестиваль. Чайта, тайö көсйöмыс кө сэтшөм збой да ён, кыдзи «Борд» котырлөн творчествоыс - мөвпыс быть пöртсяс олөмö!

Евгения ЛОБАНОВА,
«Коми йöзкостса радиосы»
корреспондент.





Тулысыд тай ньөжйөнникөн, но матыстчө жö. Он и тöдлы - лымйыд сылас, воссяс туй. А шонди луннад мый медъёна окота? Дерт, петны пызъялыштны велосипедөн. На йылысь талун и гижыштам.

Кык гөгыля ёрт

Велосипедыд овло уна сикас. Тайö шоссетi катйтчан, картi да гöраястi ветлан, пызъялан, кроссовöй, туристическöй, складнöй, триальнöй да ВМХ. Быдсикас йылысь öнi торйөн пасйыштам. А сэсся нин асьныд видзöдöй, кодлы мый медъёна колö.

Сiдз шусяна шоссейнöй велосипед (road bike, road racing bike) сетö позянлун ветлыны веськыд туй кузя. Сы вылын позьö пызъявны ыджыд öдөн. Часнас верман 70 километра вуджны. А öдсö вежлалöм вылö эм пöшти 30 тшупöд. Шоссетi ветлан кык гöгыля ёртыддөн рулыс кусыня, көлесаясыс ыджыдöс, но векныдöс, а пукалöсыс - чорыд. Ачыс велосипедыс абу ёна сьöкыд. Тшöкыда татшöм велосипедсö ньöбöны велоспортөн занимайтчысыяс.



Карса велосипедлөн нимыс ачыс висьталö, мый сийö лöсyalö ветлыны картi. Мича рöмъяса, весиг синмад шыбитчö, эм груз новлöдлан места, да и пукавнытö сы вылын лöсьыд. Сöмын лэптавнытö лö сьöкыдкодь. Велосипедлөн тырвийö бур көлесаяс да рама. Сийö кокниа мунö, пукалан вылын, ставсö аддзан. И некутшöм гöптор небыд местанад он кыв, öд кык гöгыляыд шылыда мунö.

Гöраястi ветлан велосипедыд нöшта на торъялö. Сылөн зэв ыджыд көлесаяс, амортизация вывтi бур, да и позяс вежлавны öдтö. Татшöм ёртыд кокниа мунас быдсикас туйтi, оз пов лыаысь ни гöпъясысь. Кодсюрö тайö велосипедсö босьтöны и картi ветлыны. Но сы вылын веськыдатö он пукав - ковмас неуна водзлань нюжöдчöмөн мунны.

Колö тöдны, мый гöраястi ветлан велосипедъяс нöшта на торъялöны сикасыяс вылö. Тайö сiдз шусяна двухподвес (full-suspension) кодлөн эмöсь водза да бöрса амортизаторъяс, хардтейл (hardtail) - водза вилкаас амортизаторыс, гибриднöйяс - водза амортизаторыс кыдзи хардтейлөн, но талөн рамаыс паськыдджык да дженьыдджык, фристайл да дерт. Двухподвесъяс юксöбны нöшта даунхилл (downhill, DH), бэккантри (backcountry) да фрирайд (FreeRider) вылö.



Кроссовый велосипед (кросскантри (Cross Country, XC racing) - тайо быттьо отувтөмаось гөрәтә да шоссетә ветлан кык гөгыляос. Татшөм велосипедьс кокниа котралө гөрәстә, а такөд тшөтш и кузь да бур туйтә. Көлесаьсыс ыджыд-ось, өдсө позяс вежлавны 21-сянь 27-өдз.



Туристьяслы лөсьөдөм велосипедөн мукөдсьыс медыджыд торъялөмыс - эм груз новлөдлан ин, рочөн кө, багажник. Сылөн ён крепыд рамаьс. Сы вылын он пов петны кузь туйө.

Складной велосипед ёна воө сьолөм вылас сылы, кодә пырджык ветлө уна лөптөн. Од татшөм кык гөгылятө позьө кусынтны, и сәки сийө этша места вылын меститчас.



Триальной велосипед лөсялө велотриал спортөн занимайтчысьлы. Татшөмъясыслөн абу пуксян места ни амортизатор. Да и босьтөны сийөс сөмын төдысьяс, сідз шусяна профессионаляс.



BMX котырө пырөны трюкьяс вөчалан велосипедьяс. Татшөмлөн ичөт көлесаьс, но рамаьс да вилкаьс бурмөдөма, ёнмөдөма, а нөшта эмөсь сідз шусяна пегьяс. Татшөм велосипедьясыд оз уна ин босьтны. А өнтя том йөзыдлы ёна воө сьолөм вылас вөчавны кык гөгыляыдкөд трюкьяс.



«Коми йөзөдчан керка»
Коми Республикаса
автономной учреждение.

Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет паньсы:
Печать да юөр сетан Коми Республикаса агентство.
Регистрируйтөма
2007 вося ноябрь 28 лунө
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной төдчанлуна
гижөдьяссь йөзөдөма «Коми
йөзөдчан керка» автономной
учреждениеылы печать да юөр
сетан КР-са агентстооин
вичмөдөм сьөм вылө.



Редакциялөн адрес:

167982, Сыктывкар,
К.Маркс улица,
229-өд керка,
401-402 кабинетьяс.
Тел. 24-12-22, 24-36-49.
E-mail: Yoloha@mail.ru



Редакцияын
уджалысьяс:
том йөзлөн мытшөдьяс
юкөнөн веськөдлысь –
Надежда Пунегова;

письмө юкөнөн
веськөдлысь –
Екатерина Микушева.



Медводдза лист бокас
снимокыс
Анастасия
Зиновьевалөн.



Авторьяслөн мөвпяс оз
пыр лөсявны редакциялөн
видзөдласкөд.



Тираж – 545.
Гижөдчан индекс – 52099.
«Йолөга» газет петө
1991-өд восянь
вөжоннас өтчид, комиөн.



Печатьө кырымалан кад:
график серти – апрель
төлысьлөн 2-өд лунө
16 часын; кырымалөма
печатьө 16 часын.
Газет печатайтөма
«Коми республиканской
типография» ООО-ын дась
оригинал-макетьясысь.
167610, Сыктывкар,
В.Савин улица, 81
Заказ №



Серпасалам ыджыд кар



Та вылө колө: еджыд кабала, маркер, гуашь, картон кабала (пасытанас медым торъялысны) да чорыд кисточка.



Медводдза воськов: картон торлөн помас тэчам краска. Сэсся сы отсөгөн серпасалам ыджыд керка. Та вылө картон торсө лэптам вывлань - тадзи артмас сідз шусяна небоскрёб. Татшөм ногөн поэяс серпасавны сы мында керка, кымынөс көсьян.



Колө кутны төд вылад, мый краска рөмъяссө поэзё вежшоныд рөмаён, а мөд - көдзыд. Сэсся оз ков вунөдны и судтанас «ворсны» - өти джуджыдджык, а мөд - ляпкыдджык.



Картон тор отсөгөн жө серпасалам туй. Сөмын краскасө колө нүждны водса ногөн.

Та бөрын киө босьтам сьөд маркер да сы отсөгөн серпасалам керкаяслысь өшиньяс, машинаяс, йөз, пуяс, самолёт, а сідзжө пемөсьясөс.



Татшөм ногөн поэзё серпасавны өния ыджыд кар либө важсяөс. И кор бөрьян колана кадсө, сідзкө, сэтшөм серпас и колө дасьтыны. Шуам, важөн өшиньясыд вөліны аркаяссяма, йөз ветлісны вөвьясөн да сідз водзө.

Вөзьям кыкнан сикас карсө. Бөрйы, мый сьөлөмыдлы кажитчас. А, гашкө, и ачыд на мыйкө вьлитор артмөдан да?

